

Ցերեկային ճամբարների վերաբացման Արձանագրություն. Հավելված Կ

Վերջին թարմացումները (փոփոխությունները նշված են դեղին գույնով):

11/28/20:

- Ուժի մեջ է 11/21/2020 ժամը 22:00-ից մինչև 12/21/2020 առավոտյան ժամը 5:00: Ցերեկային ճամբարները պետք է դադարեցնեն իրենց գործունեությունը 22:00-ից մինչև 5:00 ընկած ժամերին (PST)՝ համաձայն Կալիֆոռնիայի՝ Սահմանափակ Կարգով Տանը Մնալու Հրամանի:
- Բռնկման դեպքում (14-օրյա ժամանակահատվածում 3 կամ ավելի դեպքեր) ցերեկային ճամբարները պետք է փակվեն 14 օրով:
- Ավելացվել են պահանջներ՝ հետևելու Դպրոցական Տարիքի Երեխաների Ցերեկային Խնամքի Արձանագրության մեջ նշված ախտանիշների և ազդեցության հետ կապված ստուգումների, մեկուսացման, կարանտինի և հաշվետվությունների վերաբերյալ Հանրային Առողջապահության Վարչության ցուցումներին: Ավելացվել է տեղեկատվություն՝ արտակարգ իրավիճակի դեպքում երեխաների խնամքի արտոնագրից հրաժարվելու համար Համայնքային Խնամքի Արտոնագրման Բաժին դիմելու համար: Ավելացվել է տեղեկատվություն, ըստ որի՝ K-12 դպրոցի տարածքում դպրոցահասակ երեխաների ցերեկային խնամք ապահովող յուրաքանչյուր ցերեկային ճամբար պետք է ծանուցում ներկայացնի Հանրային Առողջապահության Վարչություն:

Լոս Անջելեսի Շրջանի Հանրային Առողջապահության Վարչությունը որդեգրում է գիտության և հանրային առողջապահության փորձի վրա հիմնված փուլային մոտեցում՝ թույլ տալու որոշ տարածքների անվտանգ վերաբացումը: Ստորև ներկայացված պահանջները վերաբերում են ցերեկային ճամբարներին, որոնց թույլատրվում է վերաբացվել Նահանգի Առողջապահության Պատասխանատուի Հրամանով: Այդ հատուկ տարածքների համար Նահանգապետի կողմից սահմանված պայմաններից բացի՝ այս տեսակի բիզնեսները պետք է նաև հետևեն Ցերեկային ճամբարների սույն Ստուգաթերթում սահմանված պայմաններին:

Լոդափնյա ճամբարները և սերֆինգի ճամբարները պետք է համապատասխանեն ցերեկային ճամբարի սույն արձանագրությանը և ներկայացնեն արձանագրության լրացված ստուգաթերթը լողափի համապատասխան իրավասու մարմնին (քաղաք, շրջան կամ նահանգ)՝ թույլտվություն ստանալու համար:

Համաձայն Նահանգի Առողջապահության Պատասխանատուի՝ [Սահմանափակ Կարգով Տանը Մնալու Հրամանի](#), որը հրապարակվել է 2020 թվականի նոյեմբերի 19-ին, բոլոր ցերեկային ճամբարները պետք է դադարեցնեն իրենց գործունեությունը 22:00-ից մինչև 5:00 ընկած ժամերին: Այս Հրամանն ուժի մեջ է մտել 2020 թվականի նոյեմբերի 21-ին՝ ժամը 22:00-ին և ուժի մեջ կլինի մինչև 2020 թվականի դեկտեմբերի 21-ը ժամը 5:00-ն:

Ցերեկային ճամբարների արձանագրությունները պետք է համապատասխանեն նաև [Դպրոցական Տարիքի Երեխաների Ցերեկային Խնամքի Արձանագրության](#) մեջ նշված ախտանիշների և ազդեցության հետ կապված ստուգումների, մեկուսացման, կարանտինի և հաշվետվություններին վերաբերող պահանջներին:

Ցանկացած ցերեկային ճամբար, որը նախատեսում է ցերեկային խնամք ապահովել դպրոցահասակ երեխաների համար և ընդլայնել իր գործունեությունը երեխաների խնամքի ներկայիս արտոնագրի սահմաններից դուրս կամ արտոնագրից հրաժարման կարգավիճակի սահմաններից դուրս, պետք է հաղորդակցվի Համայնքային Խնամքի Արտոնագրման Տարածքային Գրասենյակի հետ՝ պարզելու, թե արդյոք իրենից պահանջվում է արտակարգ իրավիճակում ապահովել արտոնագրման լրացուցիչ պահանջներից հրաժարում: Երեխաների խնամքից հրաժարվելու վերաբերյալ լրացուցիչ տեղեկությունների համար՝ տե՛ս «Նահանգի Ուղեցույցը և ՀՏՀ-ը՝ Երեխաների Խնամքից Հրաժարվելու Մասին: [Մատակարարի Տեղեկատվության Ծանուցում \(PIN\) 20-22-CCP](#)»:

ՀԱՏՈՒԿ ՆՇՈՒՄ K-12 ԴՊՐՈՑՆԵՐԻ ՏԱՐԱԾՔՆԵՐՈՒՄ ԳՈՐԾՈՂ ՃԱՄԲԱՐՆԵՐԻ ՀԱՄԱՐ՝ Լոս Անջելես Շրջանը պահանջում է, որ K-12 դպրոցների տարածքներում գործող ցերեկային ճամբարները, որոնք տրամադրում են դպրոցահասակ երեխաների՝ ցանկացած տեսակի ցերեկային խնամք, լրացնեն ու վարչությանն ուղարկեն ծանուցում՝ երեխաների խնամքի գործունեության շրջանակի և երեխաների խնամքի արտոնագրի կամ արտոնագրից հրաժարման կարգավիճակի նկարագրությամբ: Ծանուցման լրացման հրահանգները և առցանց հարցման հղումը հասանելի են այստեղ: Եթե դուք արտոնագրված եք ECE ծառայություններ մատուցելու համար և սպասարկում եք միայն նախակրթարանային և ավելի ցածր տարիքային խմբերի երեխաների, կարիք ՉԿԱ, որ ներկայացնեք այս ծանուցումը: Եթե ձեր ծրագիրը զբաղվում է դպրոցական տարիքի երեխաների խնամքով ոչ K-12 դպրոցի տարածքում, ապա կարիք ՉԿԱ, որ դուք ներկայացնեք այս ծանուցումը:

Խնդրում ենք նկատի ունենալ՝ այս փաստաթուղթը կարող է թարմացվել լրացուցիչ տեղեկությունների և ռեսուրսների հասանելի դառնալու դեպքում, ուստի անպայման կանոնավոր կերպով ստուգեք Լոս Անջելեսի Շրջանի վեբ կայքը <http://www.ph.lacounty.gov/media/Coronavirus/>՝ այս փաստաթղթի թարմացումների մասին տեղեկանալու համար:

Այս ստուգաթերթն ընդգրկում է.

- (1) Աշխատավայրի գործունեության ծրագրերն ու գործելակերպը՝ ուղղված աշխատակիցների առողջության պահպանմանը

- (2) Ֆիզիկական հեռավորության պահպանումն ապահովող միջոցառումներ
- (3) Վարակի վերահսկողությունն ապահովող միջոցառումներ
- (4) Հաղորդակցություն աշխատակիցների և հանրության հետ
- (5) Կարևոր ծառայություններին անաչառ հասանելիություն ապահովող միջոցառումներ

Նշված հինգ ոլորտները պետք է իրականացվեն, մինչև ձեր հաստատությունը մշակում է վերաբացման որևէ արձանագրություն:

Սույն արձանագրությամբ սահմանված բոլոր Ցերեկային Ճամբարները պետք է իրականացնեն ստորև նշված բոլոր կիրառելի միջոցառումները և պատրաստ լինեն բացատրելու, թե ինչու որևէ չիրականացված միջոցառում կիրառելի չէ տվյալ ճամբարի համար:

**Ցերեկային Ճամբարի
անունը՝**

**Հաստատության
հասցեն՝**

Ա. ԱՇԽԱՏԱՎԱՅՐԻ ԳՈՐԾՈՒՆԵՈՒԹՅԱՆ ԾՐԱԳՐԵՐՆ ՈՒ ԳՈՐԾԵԼԱԿԵՐՊԸ՝ ՈՒՂՂՎԱԾ ԱՇԽԱՏԱԿԻՑՆԵՐԻ ԱՌՈՂՋՈՒԹՅԱՆ ՊԱՀՊԱՆՄԱՆԸ (ՆՇԵՔ ԲՈԼՈՐԸ, ՈՐՈՆՔ ԿԻՐԱՌԵԼԻ ԵՆ ՀԱՍՏԱՏՈՒԹՅԱՆ ՀԱՄԱՐ)

- Բոլոր նրանց, ովքեր կարող են իրենց աշխատանքային պարտականությունները կատարել տնից, պետք է հանձնարարվի այդպես անել:
- Անձնակազմի խոցելի անդամներին (65 տարեկանից բարձր և, քրոնիկական հիվանդություններ ունեցող անձանց) հնարավորության դեպքում պետք է հանձնարարվի այնպիսի աշխատանք, որը կարելի է կատարել տնից:
- Հնարավորության սահմաններում աշխատանքային գործընթացները պետք է վերակազմավորվեն՝ մեծացնելու աշխատակիցների՝ տնից աշխատելու հնարավորությունը: Դիտարկեք փոփոխված պարտականություններ պահանջող աշխատողներին, օգնականներին, փորձակներին և կամավորներին այնպիսի աշխատանքներ առաջարկելու հնարավորությունը, որոնք նվազագույնի կհասցնեն հաճախորդների և այլ աշխատակիցների հետ նրանց շփումը (օրինակ՝ գանձապահ աշխատելու փոխարեն՝ կատարել գույքագրման կառավարում կամ վարչական կարիքների կառավարում՝ հեռակա տարբերակով):
- Ֆիզիկական հեռավորությունը առավելագույնի հասցնելու համար պետք է ներդրվեն այլընտրանքային, ճկուն կամ հերթափոխով գրաֆիկներ:
- Բոլոր աշխատակիցներին (այդ թվում՝ վճարվող անձնակազմին և կամավորներին միասին՝ «աշխատակիցներ») պետք է հորդորել չներկայանալ աշխատանքի հիվանդ լինելու դեպքում կամ եթե շփվել են COVID-19-ով վարակված անձի հետ: Աշխատակիցները պետք է գիտակցեն, որ

անհրաժեշտ է հետևել Հանրային Առողջապահության Վարչության ուղեցույցին՝ ինքնամեկուսացման և կարանտինի համար, եթե այն կիրառելի է: Աշխատավայրի արձակուրդի ծրագրերը պետք է վերանայվեն և փոփոխվեն՝ ապահովելու, որ հիվանդության պատճառով տանը մնալու դեպքում աշխատակիցները չտուժեն:

- ❑ Տեղեկացվելով, որ մեկ կամ մի քանի աշխատակիցների թեստի արդյունքը դրական է, կամ նրանք ունեն COVID-19-ի ախտանիշներին նման ախտանիշներ (հիվանդ), գործատուն պետք է տեղում ունենա պատրաստի ծրագիր կամ արձանագրություն, որպեսզի «հիվանդ(ներ)ը» մեկուսանա(ն) տանը, ինչպես նաև պահանջի, որ բոլոր աշխատակիցները, որոնք աշխատավայրում շփվել են «հիվանդի» հետ, անմիջապես ինքնակարանտին պահպանեն : Բացի դա, եթե Ցերեկային Ճամբարի որևէ տարածքում դասարանում կամ խմբում եղել է COVID-19-ով վարակման դեպք, ապա բոլոր անձինք, որոնք ներկա են եղել դասարանում կամ խմբում վարակի ժամանակահատվածում, պետք է կարանտինի մեջ մնան: Գործատուի ծրագիրը պետք է ներառի COVID-19-ի թեստավորման հասանելիություն կարանտինի մեջ գտնվող բոլոր աշխատակիցների համար՝ պարզելու, թե արդյոք աշխատավայրում եղել են վարակման այլ դեպքեր, որոնք կարող են պահանջել COVID-19-ի վերահսկման լրացուցիչ միջոցառումներ:
- ❑ Ախտանիշների ստուգումներն իրականացվում են՝ նախքան աշխատակիցներին կթույլատրվի աշխատավայր մտնել: Տեղանքը պետք է հետևի Հանրային Առողջապահության Վարչության Որոշումներին՝ նախատեսված այն անձանց համար, որոնց մոտ ախտանիշները դրական են եղել մինչև աշխատավայր մտնելը կամ աշխատավայրում գտնվելու ընթացքում: Ստուգումները պետք է ներառեն հնարավոր COVID-19 վարակին համապատասխանող Որոշումներում նշված ախտանիշների ստուգում, ինչպես նաև պարզաբանում, թե արդյոք անձը տվյալ պահին գտնվում է մեկուսացման կամ կարանտին պահպանելու հրահանգի ներքո: Այս ստուգումները կարող են կատարվել հեռավար կարգով կամ անհատապես՝ աշխատակցի ժամանելուն պես: Հնարավորության դեպքում աշխատավայրում պետք է կատարվի ջերմաչափում:
- ❑ Ցերեկային ճամբարներից պահանջվում է Հանրային Առողջապահության Վարչությանը հաղորդել աշխատակիցների և երեխաների շրջանում COVID-19-ով վարակման բոլոր դեպքերի մասին՝ դեպքի մասին ծանուցվելուց հետո մեկ աշխատանքային օրվա ընթացքում՝ լրացնելով Կրթական Ոլորտի Համար Նախատեսված Վարակված Անձանց և Նրանց Կոնտակտավորների Ցուցակը : Եթե 14 օրվա ընթացքում աշխատավայրում հայտնաբերվել է հիվանդության 3 կամ ավելի դեպք՝ գործատուն պետք է անմիջապես հաղորդի այս խմբի մասին Հանրային Առողջապահության Վարչությանը՝ էլ. նամակ ուղարկելով ACDC-Education@ph.lacounty.gov էլ. հասցեին կամ գանգահարելով հետևյալ հեռախոսահամարներին՝ (888) 397-3993 կամ (213) 240-7821:
- ❑ Այն ցերեկային ճամբարները, որտեղ, ըստ Հանրային Առողջապահության Վարչության, կա բռնկում (3 կամ ավելի դեպք՝ 14 օրվա ընթացքում), պետք է փակվեն 14 օրով՝ համաձայն Առողջապահության Պատասխանատուի՝ COVID-19-ի Վերահսկմանն Ուղղված «Ժամանակավոր, Թիրախավորված՝ Ավելի Անվտանգ է Տանը» Հրամանի:
- ❑ Այն աշխատակիցներին, որոնք շփվում են ուրիշների հետ, պետք է անվճար տրամադրվի դեմքի ծածկոց, որը ծածկում է քիթը և բերանը: Աշխատակիցը պետք է մշտապես կրի դեմքի ծածկոցը ողջ աշխատանքային օրվա ընթացքում՝ այլ անձանց հետ շփվելու կամ շփման հավանականության պարագայում: Աշխատակիցները, ում բուժաշխատողները հանձնարարել են չկրել դեմքի ծածկոցներ, պետք է կրեն ներքևի եզրին կտոր ունեցող դեմքի վահաններ, որպեսզի համապատասխանեն Նահանգային պահանջներին, եթե միայն նրանց վիճակը դա թույլ է տալիս: Նախընտրելի են կզակը ծածկող կտորով դեմքի վահանները: Միակողմանի փականներ ունեցող դիմակները չպետք է կիրառվեն: Աշխատակիցները կարիք չունեն դեմքի ծածկոցներ կրել, երբ

մենակ են անձնական գրասենյակում կամ ամուր միջնապատերով առանձնացված աշխատախցում, որի միջնապատերի բարձրությունը գերազանցում է աշխատակցի հասակը կանգնած ժամանակ:

- Աշխատակիցներին պետք է հանձնարարել ամեն օր լվանալ կամ փոխել իրենց դեմքի ծածկոցները:
- Աշխատակիցներին պետք է նաև առաջարկել ձեռնոցներ այն աշխատանքների համար, որոնք պահանջում են դիպչել հաճախակի հպման մակերեսների, կամ ախտանիշների ստուգման ժամանակ օգտագործելու համար:
- Աշխատակիցներին պետք է հանձնարարել պահպանել առնվազն վեց (6) ոտնաչափ հեռավորություն այցելուներից և միմյանցից՝ Ցերեկային ճամբարի բոլոր տարածքներում: Անհրաժեշտության դեպքում աշխատակիցները կարող են մեկ ակնթարթով մոտենալ՝ օգնելու երեխաներին, կամ այլ անհրաժեշտության դեպքում:
- Պետքարանները և այլ ընդհանուր տարածքները պետք է հաճախակի ախտահանվեն հետևյալ ժամանակացույցով՝
 - Պետքարաններ _____
 - Այլ _____
- Ախտահանիչներն ու այլ պարագաները աշխատակիցների համար հասանելի են հետևյալ վայր(եր)ում՝ _____
- COVID-19-ի դեմ արդյունավետ ձեռքերի ախտահանիչ միջոցը հասանելի է բոլոր աշխատակիցների համար հետևյալ վայր(եր)ում՝ _____
- Աշխատակիցներին պետք է հիշեցնել հաճախակի լվանալ ձեռքերը:
- Այս արձանագրության պատճենը պետք է տրամադրվի բոլոր աշխատակիցներին:
- Հնարավորության սահմաններում յուրաքանչյուր աշխատակցի պետք է հատկացվեն իր անձնական պարագաները և հրահանգվի խուսափել հեռախոսների, պլանշետների, երկկողմանի ռադիոկապի և այլ աշխատանքային պարագաների համատեղ օգտագործումից, եթե հնարավոր է: Նրանց պետք է նաև հրահանգվել երբեք համատեղ չօգտագործել անձնական պաշտպանիչ միջոցները:
- Պարագաները համատեղ օգտագործելու անհրաժեշտության դեպքում՝ դրանք ախտահանվում են տվյալ մակերեսի համար համապատասխան մաքրող միջոցով հերթափոխերի միջև կամ օգտագործվելուց հետո՝ կախված նրանից, թե որն է ավելի հաճախակի օգտագործվում, այդ թվում՝ գրասենյակում համատեղ օգտագործվող սարքավորումներ, ներառյալ՝ պատճենահանող սարքեր, ֆաքսային սարքեր, տպիչներ, հեռախոսներ, ստեղնաշարներ, կարիչներ, կարիչ հանող գործիքներ, գրենական պիտույքներ, ընդունարանների տարածքների մակերեսներ, համատեղ օգտագործման աշխատակայաններ, աուդիո և տեսասարքավորումներ, ռադիոսարքեր և այլն:
- Աշխատակիցներին պետք է տրամադրվի ժամանակ իրենց հերթափոխի ընթացքում մաքրման գործողություններ կատարելու համար: Մաքրման հանձնարարությունները տրվում են աշխատանքային ժամերի ընթացքում՝ որպես աշխատակիցների աշխատանքային պարտականությունների մի մաս: Անհրաժեշտության դեպքում փոփոխեք ժամերը՝ ապահովելու պարբերաբար և պատշաճ մաքրում՝ ինչպես հարկն է: Մաքրման աշխատանքների ավելացած ծավալի կատարմանն օժանդակելու նպատակով, ըստ անհրաժեշտության, կարող են ներգրավվել երրորդ կողմ հանդիսացող մաքրման ծառայություններ առաջարկող ընկերությունները:

- Մշտապես վերահսկեք անձնակազմի բացակայությունները և հնարավորության դեպքում ունեցեք վերապատրաստված պահեստային անձնակազմ:
- Աշխատանքային պայմաններից բացի, այս ստուգաթերթում նկարագրված բոլոր ծրագրերը կիրառվում են ծառայություն մատուցող անձնակազմի և ցանկացած այլ ընկերությունների համար, որոնք ներկա են տարածքում որպես երրորդ կողմ:
- Ընտրովի. Նկարագրել այլ միջոցառումներ՝

Բ. ՖԻԶԻԿԱԿԱՆ ՀԵՌԱՎՈՐՈՒԹՅԱՆ ՊԱՀՊԱՆՈՒՄՆ ԱՊԱՀՈՎՈՂ ՄԻՋՈՑԱՌՈՒՄՆԵՐ

ԺԱՄԱՆՈՒՄ ԵՎ ՄԵԿՆՈՒՄ

- Սահմանափակեք ճամբարում գտնվող անձանց թիվը այնքան, որ հնարավոր լինի պահպանել ֆիզիկական հեռավորություն:
- Եթե տրանսպորտային միջոցները (օրինակ՝ ավտոբուսները) օգտագործվում են ճամբարի կողմից, վարորդները պետք է կատարեն անվտանգության բոլոր գործողություններն ու արձանագրությունները, որոնք նախատեսված են անձնակազմի մյուս անդամների համար (օրինակ՝ ձեռքերի հիգիենա, կտորե դիմակ և ֆիզիկական հեռավորություն):
- Ճամբարի բոլոր մասնակիցները և այցելուները պետք է կրեն կտորե դիմակ ժամանման և մեկնելու պահին:
- Նվազագույնի հասցրեք ճամբարի աշխատակիցների, ճամբարի մասնակիցների և ընտանիքների միջև շփումը օրվա սկզբին և ավարտին:
- Կազմակերպեք ժամանման և հեռանալու ժամերն ու վայրերը ճկուն գրաֆիկով որքան հնարավոր է հետևողականորեն՝ նվազագույնի հասցնելու ընտանիքների համար ծրագիր կազմելու մարտահրավերները:
- Նախատեսեք մուտքի և ելքի ուղիներ՝ օգտագործելով հնարավորինս շատ մուտքեր: Գործարկեք այլ արձանագրություններ՝ սահմանափակելու մյուսների հետ շփումը՝ որքան դա գործնականում հնարավոր է:
- Ապահովեք ֆիզիկական ուղենիշներ, ինչպիսիք են՝ ժապավեններ գետնի կամ մայրերի վրա և նշաններ պատերին՝ ապահովելու, որ ճամբարի աշխատակիցները և ճամբարի մասնակիցները պահպանեն առնվազն 6 ոտնաչափ հեռավորություն շարքերում և մյուս պահերին (օրինակ՝ նախասենյակներում «միակողմանի ուղիներ» ստեղծելու ուղեցույցներ):
- Բացեք պատուհանները և մեծացրեք հեռավորությունը փոխադրամիջոցներում ճամբարականների ու վարորդների միջև, եթե հնարավոր է:

ՀԱՆԳՍԻ ՏԱՐԱԾՔՆԵՐ

- Ճամբարականները պետք է մնան միննույն տարածքում և գործնականում հնարավորինս փոքր և հաստատուն խմբերում: Յուրաքանչյուր խմբում պահեք միննույն ճամբարականներին և անձնակազմին, և նույն խմբում ընդգրկեք ճամբարականներ նույն ընտանիքից որքան հնարավոր է շատ: Մասնակիցների և աշխատակիցների խորհուրդ տրվող տոկոսային հարաբերակցությունը պետք է լինի 12:1:
- Բոլոր այցելուներից և ճամբարականներից պահանջվում է կրել կտորե դեմքի ծածկոցներ

ճամբարում գտնվելու ժամանակ՝ բացառությամբ այն դեպքերի, երբ նրանք լողում են, քնած են, ուտում/խմում են կամ ներգրավված են մեծ ջանքեր պահանջող բացօթյա գործունեության մեջ (ինչպես օրինակ վազքը): Մեծ ջանքեր պահանջող նման գործունեությունը պետք է իրականացվի մյուսներից առնվազն 8 ոտնաչափ հեռավորության պահպանմամբ: Մա վերաբերում է բոլոր չափահասներին և 2 տարեկան և ավելի մեծ երեխաներին: Միայն այն անձինք, որոնց բուժաշխատողը հանձնարարել է չկրել դեմքի ծածկոց, ազատվում են այս պահանջից: Ձեր աշխատակիցների և այլ այցելուների անվտանգությանն աջակցելու նպատակով՝ հարկավոր է դեմքի ծածկոցներ տրամադրել այն այցելուներին, որոնք ժամանում են առանց դրանց:

- Հնարավորինս մեծացրեք նստատեղերի, սեղանների և մահճակալների միջև հեռավորությունը: Դիտարկեք այլ միջոցներով ճամբարականներին առանձնացնելու հնարավորությունը, օրինակ՝ վեց ոտնաչափ հեռավորություն նստատեղերի միջև, միջնապատեր նստատեղերի միջև, հեռավորություն խթանելու նպատակով գծանշումներ հատակին, նստատեղերի այնպիսի դասավորություն, որը նվազեցնում է դեմ առ դեմ շփումը:
- Դիտարկեք վերաձևավորման գործողություններ ավելի փոքր խմբերի համար և կահույքի ու խաղատարածքների վերադասավորում՝ իրարից առանձնացումը պահպանելու նպատակով:
- Անձնակազմը պետք է մշակի միմյանցից հեռավորությունը մեծացնելու ցուցումներ և մեթոդներ՝ նվազագույնի հասցնելու շարժումը դրսի և ներսի տարածքներում՝ երեխաներին հասկանալի ձևով և ըստ նրանց տարիքային զարգացման մակարդակի:
- Սահմանափակեք անկարևոր այցելուներին, կամավորներին և այն գործողությունները, որոնք միաժամանակ ներառում են նաև այլ խմբեր:
- Սահմանափակեք խմբային գործողությունները, երբ հնարավոր է: Եթե հնարավոր չէ՝ կատարեք դրանք հերթափոխով, պատշաճ ձևով տարածություն պահպանեք անձանց միջև, պահեք խմբերը հնարավորինս փոքր և կայուն կազմով և կատարեք ախտահանում ամեն օգտագործումից հետո:
- Սահմանափակեք խմբային և արտադասարանային գործողությունները՝ թողնելով միայն նրանք, որոնց ժամանակ մասնակիցներն ու խմբի ղեկավարները կարող են պահպանել ֆիզիկական հեռավորություն և պահպանել ձեռքերի պատշաճ հիգիենա:
- Անհրաժեշտության դեպքում օգտվեք այլընտրանքային տարածքներից, այդ թվում՝ դրսի տարածքներից, եթե եղանակը թույլ է տալիս: Օրինակ՝ դիտարկեք դրսի տարածքը և սրճարաններն ու օգտագործման այլ տարածքները մեծացնելու միջոցներ՝ թույլ տալու ֆիզիկական հեռավորություն:
- Որքան հնարավոր է նվազագույնի հասցրեք հավաքական գործողությունները:
- Շնչառական կաթիլներ առաջացնող գործողությունների համար՝ ինչպիսիք են ֆիզիկական ծանր գործողությունները կամ երգելը, մեծացրեք անհատների միջև հեռավորությունը մինչև 8 ոտնաչափ և փորձեք անել դա դրսում:

ՄՆՈՒՆՂ

- Հնարավորության դեպքում ճամբարականները պետք է բերեն իրենց սնունդը և պահպանեն ֆիզիկական հեռավորություն ուտելիս, կամ ուտեն իրենց փոքր խմբով՝ ընդհանուր սնվելու սրահի կամ սրճարանի փոխարեն: Ապահովեք սննդային ակերգիա ունեցող երեխաների անվտանգությունը:
- Օգտվեք սննդի սպասարկման մեկանգամյա օգտագործման պարագաներից (օրինակ՝ սպասք և

ափսեներ): Եթե մեկանգամյա օգտագործման պարագաների օգտագործում հնարավոր չէ, ապահովեք, որ սննդի սպասարկման բոլոր բազմակի օգտագործման պարագաներին դիպչեն ձեռնոցներով, և որ դրանք լվացվեն ափսեների օձառով և տաք ջրով կամ ափսե լվացող սարքում: Անհատները պետք է լվանան իրենց ձեռքերը ձեռնոցները հանելուց հետո կամ սննդի սպասարկման օգտագործված պարագաներին դիպչելուց անմիջապես հետո:

- ❑ Եթե որևէ միջոցառման ժամանակ առաջարկվում է ուտելիք, բուֆետի կամ ընտանեկան ճաշկերույթի փոխարեն նախապես պատրաստեք տուփեր կամ պայուսակներ յուրաքանչյուր մասնակցի համար: Խուսափեք սննդի կամ սպասքի համատեղ օգտագործումից:

Գ. ՎԱՐԱԿԻ ՎԵՐԱՀՄԿՄԱՆ ՄԻՋՈՑԱՌՈՒՄՆԵՐ

- ❑ Ապահովեք, որ ճամբարի ամբողջ աշխատակազմը և ընտանիքները տեղյակ լինեն սանիտարական ընդլայնված գործողությունների, ֆիզիկական հեռավորության ուղեցույցների և դրանց կարևորության, կտորե դիմակների պատշաճ օգտագործման, հանելու և լվանալու, ախտանիշների ստուգման գործողությունների և COVID-19-ի բացառման հատուկ չափանիշների մասին:
- ❑ Նշանակեք աշխատակից (օրինակ՝ ճամբարի բուժքույր կամ առողջապահական խնամք ապահովող անձ), որը պատասխանատու կլինի COVID-19-ի հետ կապված մտահոգություններին արձագանքելու համար: Ամբողջ աշխատակազմն ու բոլոր ընտանիքները պետք է իմանան, թե ով է այդ անձը և ինչպես կարելի է կապ հաստատել նրա հետ: Այս անձը պետք է վերապատրաստված լինի՝ համակարգելու փաստաթղթագրումն ու հետևելու վարակակրի հետ հնարավոր շփումներին, որպեսզի տեղանքում գրանցված COVID-19-ի բոլոր դեպքերի մասին դեպքի ծանուցումից մեկ աշխատանքային օրվա ընթացքում հաղորդի տեղի առողջապահության պատասխանատուներին:
- ❑ Աշխարհագրական մեծ տարածքների համար դիտարկեք տեղի աշխարհագրական տարածքում բնակվող ճամբարականների այցելության սահմանափակումը և խնդրեք ճամբարականներին՝ խուսափել ճամբարների միջև տեղափոխությունից:
- ❑ Ապահովեք բավարար պարագաներ՝ օժանդակելու առողջ հիգիենայի վարքագծին, այդ թվում՝ օձառ, անձեռոցիկներ, անհպում աղբամաններ և առնվազն 60 տոկոս էթիլային սպիրտ պարունակող ձեռքի ախտահանիչներ, աշխատակազմի և այն ճամբարականների համար, որոնք կարող են անվտանգ օգտագործել ձեռքի ախտահանիչը:
- ❑ Սովորեցրեք ճամբարականներին հետևյալ անձնական պաշտպանիչ միջոցառումները.
 - Լվանալ ձեռքերը կանոնավոր կերպով ուտելուց առաջ և հետո, հազալուց կամ փռշտալուց հետո, դրսում գտնվելուց հետո և պետքարանից օգտվելուց հետո:
 - Խուսափել աչքերին, քթին և բերանին դիպչելուց:
 - Փակել բերանը հազալիս կամ փռշտալիս:
 - Քիթը մաքելու համար օգտագործել անձեռոցիկ և հազալիս/փռշտալիս փակել բերանը անձեռոցիկով կամ արմունկով:
- ❑ Դիտարկեք այնպիսի գրաֆիկներ, որոնք հնարավորություն կտան ճամբարի աշխատակազմին և ճամբարականներին կանոնավոր կերպով լվանալ ձեռքերը տարբեր ընդմիջումներով:
- ❑ Ճամբարականները և աշխատակազմը պետք է լվանան ձեռքերը օձառով՝ 20 վարկյան, օձառը

քսելուց հետո լավ տրորելով, և ձեռքերը լավ չորացնելու համար օգտագործեն թղթե սրբիչներ (կամ մեկանգամյա օգտագործման կտորե սրբիչներ):

- ❑ Աշխատակազմը պետք է ձեռքերը լվանա և ծառայի որպես օրինակ: Օրինակ՝ ավելի երիտասարդ ճամբարականների համար, օգտագործեք լոգարանից օգտվելու ժամանակը որպես հնարավորություն՝ ամրապնդելու առողջարար սովորությունները և վերահսկելու, որ նրանք պատշաճ լվանան ձեռքերը:
- ❑ Ճամբարականներն ու աշխատակազմը պետք է օգտագործեն ձեռքերի ախտահանիչ միջոց, երբ հնարավոր չէ լվանալ ձեռքերը: Ախտահանիչն անհրաժեշտ է քսել ձեռքերին, մինչև այն ամբողջությամբ կչորանա: Նկատի ունեցեք. ձեռքերը հաճախակի լվանալը ավելի արդյունավետ է, քան ախտահանիչների օգտագործումը՝ հատկապես երբ ձեռքերը տեսանելիորեն կեղտոտ են:
- ❑ 9 տարեկանից փոքր երեխաները պետք է օգտագործեն ձեռքի ախտահանիչը մեծահասակների հսկողությամբ: Ախտահանիչը կույ տալու դեպքում զանգահարեք Թունավորումների Վերահսկման Կենտրոն՝ 1-800-222-1222 հեռախոսահամարով: Նախընտրելի են Էթիլային սպիրտի հիմքով ձեռքի ախտահանիչները և պետք է օգտագործվեն, եթե հնարավոր է երեխաների կողմից դրանց օգտագործումը առանց վերահսկողության: Իզոպրոպիլենային ձեռքի ախտահանիչները ավելի թունավոր են և կարող են ներծծվել մաշկի միջոցով:
- ❑ Դիտարկեք տարածքում ձեռքերի լվացման շարժական կայաններ տեղադրելու տարբերակը՝ հնարավորինս նվազագույնի հասցնելու տեղաշարժը և մարդկանց կուտակումը լոգարաններում:
- ❑ Ճամբարականներին պետք է խրախուսվի օգտագործել կտորե դիմակներ: Կտորե դիմակը պատշաճ օգտագործելու, այն հանելու և լվալու վերաբերյալ տեղեկությունը պետք է տրամադրվի ճամբարի ամբողջ աշխատակազմին և Ճամբարականներին:
- ❑ Դիտարկեք ցայտադրյունների օգտագործման կասեցումը և դրա փոխարեն խրախուսեք բազմակի օգտագործման ջրի շշերի օգտագործումը:
- ❑ Հաճախակի հպման մակերեսները, ինչպիսիք են՝ դռան բռնակները, լույսի անջատիչները, լվացարանների բռնակները, լոգարանի մակերեսները, սեղանները, ինչպես նաև փոխադրամիջոցների մակերեսները, պետք է մաքրվեն առնվազն ամեն օր և ավելի հաճախ օրվա ընթացքում, եթե հնարավոր է:
- ❑ Սահմանափակեք ընդհանուր օգտագործման խաղահրապարակների սարքավորումների օգտագործումը՝ փոխարենը նախապատվություն տալով ֆիզիկական գործողություններին, որոնք մակերեսների հետ ավելի քիչ շփում են պահանջում:
- ❑ Սահմանափակեք պարագաների և սարքավորումների համատեղ օգտագործումը, օրինակ՝ խաղալիքներ, խաղերի և արվեստի պարագաներ մաքրեք և ախտահանեք դրանք ամեն օգտագործումից հետո:
- ❑ Մաքրող ապրանքներ ընտրելիս օգտագործեք այն ապրանքները, որոնք ընգրկված են Շրջակա Միջավայրի Պաշտպանության Գործակալության (EPA) կողմից հաստատված՝ COVID-19-ի դեմ արդյունավետ ապրանքների «N/Ն» ցուցակում, և հետևեք ապրանքի ցուցումներին: Այս ապրանքները պարունակում են բաղադրիչներ, որոնք ավելի անվտանգ են ասթմա ունեցող անձանց համար:
- ❑ Օգտագործեք ախտահանիչներ, որոնց վրա նշված է, որ դրանք արդյունավետ են առաջացող վիրուսային պաթոգենների դեմ՝ հետևելով ապրանքի վրա նշված՝ նյութի նոսրացման

մակարդակի և շփման ժամանակի վերաբերյալ ցուցումներին: Աշխատակիցներին վերապատրաստեք քիմիկատների վտանգների, արտադրողի ցուցումների և անվտանգ օգտագործման՝ Կալիֆոռնիայի Մասնագիտական Անվտանգության և Առողջապահության Վարչության (Cal/OSHA) պահանջների վերաբերյալ:

- ❑ Մաքրման աշխատանքներ կատարող աշխատակազմը, ով պատասխանատու է տարածքը մաքրելու և ախտահանելու համար, պետք է ունենա պատշաճ պաշտպանիչ միջոցներ, այդ թվում՝ ձեռնոցներ, աչքերը պաշտպանող պարագաներ, շնչառական պաշտպանության պարագաներ և այլ համապատասխան պաշտպանիչ միջոցներ՝ ըստ ապրանքի ցուցումների պահանջի: Բոլոր սարքավորումները պետք է պահել երեխաների համար անհասանելի, և սահմանափակ հասանելիությամբ վայրերում:
- ❑ Մաքրելիս օդափոխեք տարածքը մինչ ճամփարականների ժամանումը, ծրագրեք պատշաճ մաքրել այն ժամանակ, երբ ճամփարականները ներկա չեն: Օդափոխման համակարգը օգտագործելու դեպքում օգտագործեք այն պարամետրը, որը բերում է մաքուր օդ: Փոխեք և ստուգեք օդի ֆիլտրերը և ֆիլտրման համակարգերը՝ օդի օպտիմալ որակը ապահովելու համար :
- ❑ Եթե պատուհաններ բացելը անվտանգ չէ կամ վնաս է առողջությանը, դիտարկեք այլընտրանքային ռազմավարություններ օդի հոսքը բարելավելու համար, օրինակ՝ մեծացրեք ջեռուցման, օդափոխության և օդորակման համակարգերի օդի կենտրոնական ֆիլտրացիան (HVAC) (առնվազն MERV 13 արդյունավետության հաշվետվության նվազագույն արժեքի ֆիլտրման չափով):
- ❑ Ձեռնարկեք քայլեր՝ ապահովելու, որ բոլոր ջրային համակարգերը (օրինակ՝ ցայտադրյունները, դեկորատիվ շատրվանները) անվտանգ լինեն օգտագործման համար՝ հաստատության երկար ժամանակ փակ լինելուց հետո՝ նվազագույնի հասցնելու այնպիսի վարակների հավանականությունը ինչպիսին է Լեգիոներների հիվանդությունը:

ՍՏՈՒԳԵՔ ՃԱՄԲԱՐԱԿԱՆՆԵՐԻՆ

- ❑ Վերապատրաստեք աշխատակազմին և սովորեցրեք ճամփարականներին և նրանց ընտանիքներին, թե երբ նրանք պետք է մնան տանը և երբ կարող են վերադառնալ ճամփար: Ակտիվորեն խթանեք աշխատակազմին և ճամփարականներին, որոնք հիվանդ են կամ վերջերս սերտ շփում են ունեցել COVID-19-ով վարակված անձի հետ, մնալ տանը:
- ❑ Բացի ժամանելուն պես աշխատակիցներին ստուգելուց, բոլոր ճամփարականները հաստատություն ժամանելիս ևս պետք է ստուգվեն:
 - Դիտարկեք ժամանելուն պես բոլոր ճամփարականների առողջական վիճակի տեսողական ստուգումը, որի մեջ կարող է ներառվել առանց հպման ջերմաչափով ճամփարականների ջերմաչափում ամեն օրվա սկզբին: Եթե առանց հպման ջերմաչափեր հասանելի չեն, ընդունելի է նաև հաղորդված ջերմության գնահատումը:
 - **Հաստատությունից պահանջվում է հետևել Հանրային Առողջապահության Որոշումների վերաբերյալ ցուցումներին՝ նախատեսված այն անձանց համար, որոնց մոտ մինչև հաստատություն մտնելը ախտանիշները դրական են :** Բոլոր անհատներին հարցրեք վերջին 24 ժամվա ընթացքում COVID-19-ի ախտանշանների մասին և թե արդյոք նրանց տանը որևէ մեկի մոտ գրանցվել է COVID-19-ի թեստի դրական արդյունք: Հարկավոր է անցկացնել ախտանշանների ստուգումներ՝ նախքան այցելություններին



կթույլատրվի հաստատություն մտնել: **Ստուգումները պետք է ներառեն Որոշումներում նշված ախտանիշների ստուգում:** Այս ստուգումները կարող են կատարվել անհատապես կամ այլընտրանքային եղանակներով, օրինակ՝ ստուգման առցանց համակարգերով կամ հաստատության մուտքի մոտ փակցված **նշաններով**, որոնք տեղեկացնում են, որ նման ախտանիշներով այցելուները չպետք է տարածք մտնեն:

- ❑ Բացառեք բոլոր երեխաներին, ծնողներին, խնամողներին կամ աշխատակիցներին, որոնք ունեն COVID-19 **վարակին բնորոշ** ախտանիշներ:
- ❑ Մշտապես դիտարկեք աշխատակիցներին և ճամբարականներին օրվա ընթացքում՝ հետևելով **COVID-19 վարակին բնորոշ ախտանիշներին:** Ուղարկեք մարդկանց համապատասխան բժշկական հաստատություն, այլ ոչ թե տուն, եթե անհրաժեշտ է:

ԵԹԵ ԱՇԽԱՏԱԿԱԶՄԸ ԿԱՄ ՃԱՄԲԱՐԱԿԱՆՆԵՐԸ ՀԻՎԱՆԴԱՆՈՒՄ ԵՆ

- ❑ Սահմանեք մեկուսացման սենյակ կամ տարածք՝ առանձնացնելու այն անձին, որն ունի COVID-19-ի ախտանիշներ:
- ❑ Ապահովեք, որ նրանք կրեն կտորե դիմակ կամ բժշկական դիմակ, եթե 2 տարեկանից մեծ են, և որ դիմակը դնելու և հանելու հետ կապված խնդիր չունեն, ինչպես նաև չեն դժվարանում շնչել դիմակը կրելիս:
- ❑ Ախտանշաններ ունեցող ճամբարականները կամ անձնակազմը պետք է մնան մեկուսացման սենյակում մինչ նրանց կկարողանան տեղափոխել տուն կամ բժշկական հաստատություն որքան հնարավոր է շուտ:
- ❑ Սահմանեք հիվանդ անձին ըստ անհրաժեշտության անվտանգ ձևով իրենց տուն կամ բժշկական հաստատություն տեղափոխելու ընթացակարգեր: Անհապաղ զանգահարեք 9-1-1, եթե անձն ունի շարունակական ցավ կամ ճնշում կրծքավանդակում, շփոթվածություն կամ կապտավուն շուրթեր կամ դեմք:
- ❑ Խորհուրդ տվեք աշխատակազմի հիվանդ անդամներին և ճամբարականներին չվերադառնալ, մինչև նրանք կհամապատասխանեն **ճամբարի տեղանքին վերադառնալու** պահանջներին, որոնք նշված են **ախտանիշներ ունեցողների համար նախատեսված Որոշումներում :**
- ❑ Հիվանդ անձի հետ շփում ունեցած անձանց խորհուրդ տվեք մնալ տանը, **մինչև կհամապատասխանեն հաստատություն վերադառնալու պահանջներին**, որոնք նշված են **հնարավոր վարակված երեխայի կամ աշխատակցի կոնտակտավորների համար նախատեսված Որոշումներում :**
- ❑ Տեղեկանալով, որ անձնակազմի անդամի կամ երեխայի մոտ գրանցվել է COVID-19-ի թեստի դրական արդյունք, հաստատությունը պետք է վարակված անձին հրահանգի մեկուսանալ տանը, իսկ բոլոր անձանց, որոնք շփվել են վարակված անձի հետ, պետք է հրահանգվի կարանտինի մեջ մնալ: Այն դեպքում, եթե վարակումը եղել է դասարանում կամ խմբում, անձնակազմի բոլոր անդամներն ու երեխաները, որոնք վարակի ժամանակահատվածում եղել են դասարանում կամ խմբում, համարվում են վարակված: Լրացուցիչ մանրամասների համար տե՛ս Հանրային Առողջապահության Վարչության ուղեցույցը մեկուսացման (<http://ph.lacounty.gov/covidisolation>) և կարանտինի (<http://ph.lacounty.gov/covidquarantine/>) մասին:
- ❑ **Հաստատություններից պահանջվում է Հանրային Առողջապահության Վարչությանը հաղորդել աշխատակիցների և երեխաների շրջանում հաստատությունում COVID-19-ի բոլոր**



ազդեցությունների մասին՝ դեպքի ծանուցումից մեկ աշխատանքային օրվա ընթացքում լրացնելով Կրթական Ոլորտի Համար Նախատեսված Վարակված Անձանց և Նրանց Կոնտակտավորների Ցուցակը : 14 օրվա ընթացքում COVID-19-ով վարակման 3 և ավելի դեպքերի հայտնաբերման դեպքում **անմիջապես** ծանուցեք տեղի առողջապահության պատասխանատուներին, աշխատակազմին և բոլոր ընտանիքներին՝ պահպանելով գաղտնիություն՝ ինչպես պահանջվում է նահանգային և դաշնային օրենքներով:

- ❑ Այն ցերեկային ճամբարները, որտեղ, ըստ Հանրային Առողջապահության Վարչության, կա բռնկում (3 կամ ավելի դեպք՝ 14 օրվա ընթացքում), պետք է փակվեն 14 օրով՝ համաձայն Առողջապահության Պատասխանատուի՝ COVID-19-ի Վերահսկմանն Ուղղված «Ժամանակավոր, Թիրախավորված՝ Ավելի Անվտանգ Է Տանը» Հրամանի:
- ❑ Փակեք այն տարածքները, որոնք օգտագործվել են հիվանդ անձի կողմից, և մի՛ օգտվեք դրանցից մինչև մաքրելը և ախտահանելը: Հնարավորության դեպքում սպասեք 24 ժամ կամ այնքան, որքան անհրաժեշտ է, տարածքը մաքրելուց կամ ախտահանելուց առաջ:
- ❑ Ապահովեք ախտահանիչ միջոցների անվտանգ և ճիշտ օգտագործումը՝ օգտագործելով անձնական պաշտպանիչ միջոցներ և մաքրման համար խորհուրդ տրվող օդափոխություն: Մաքրման և ախտահանման պարագաները պահեք երեխաներից հեռու:
- ❑ Հանրային առողջապահության տեղի վարչության հետ խորհրդակցելով՝ համապատասխան ճամբարի պատասխանատուն կարող է դիտարկել՝ արդյոք ճամբարը փակելու անհրաժեշտություն կա, և հաշվի առնել ժամանակահատվածը՝ կախված տվյալ համայնքի վտանգի մակարդակից:

ԸՆԴՀԱՆՈՒՐ ՕԳՏԱԳՈՐԾՄԱՆ ՄԱՀՄԱՆԱՓԱԿՈՒՄ

- ❑ Պահեք յուրաքանչյուր ճամբարականին պատկանող պարագաները առանձին և անհատական պիտակներով տարաներում, արկղերում կամ տարածքներում: Ապահովեք, որ անձնական իրերը տանեն տուն ամեն օր՝ մաքրելու և ախտահանելու համար:
- ❑ Ապահովեք բավարար պարագաներով՝ հնարավորինս նվազագույնի հասցնելու հաճախակի հպման պարագաների ընդհանուր օգտագործումը (արվեստի պարագաներ, սարքավորումներ և այլն), կամ սահմանափակեք պարագաների միաժամանակ օգտագործումը երեխաների մեկ խմբում և ախտահանեք օգտագործման ընթացքում:
- ❑ Հնարավորության սահմաններում խուսափեք էլեկտրոնային սարքավորումների, հագուստի, խաղալիքների, գրքերի և այլ խաղերի կամ ուսմանն օժանդակող նյութերի ընդհանուր օգտագործումից:

Դ. ՀԱՆՐՈՒԹՅԱՆ ՀԵՏ ՀԱՂՈՐԴԱԿՑՄԱՆ ՄԻՋՈՑԱՌՈՒՄՆԵՐ

- ❑ Պահպանեք հաղորդակցման համակարգերը, որոնք թույլ են տալիս աշխատակազմին և ընտանիքներին ինքնուրույն հաղորդել ախտանշանների առկայության մասին և ստանալ անհապաղ ծանուցում՝ վարակման կամ փակելու մասին պահպանելով գաղտնիությունը:
- ❑ Սույն արձանագրության պատճենը պետք է փակցվի հաստատության բոլոր հանրային

մուտքերի մոտ:

- Նշաններ պետք է տեղադրված լինեն ամբողջ տարածքում հիշեցնելու հրահանգիչներին և ճամբարականներին ֆիզիկական հեռավորության և կտորե դիմակների օգտագործման մասին :
- Նշաններ պետք է փակցվեն , որոնք ցույց կտան այցելուներին, որ նրանք պետք է տանը մնան, եթե հիվանդ են շնչառական ախտանշաններով:
- Հաստատությունը առցանց (կայքերի, սոցիալական լրատվամիջոցների միջոցով և այլն) պետք է հստակ տեղեկություններ տրամադրի ֆիզիկական հեռավորության, դիմակների օգտագործման և այլ հարցերի վերաբերյալ:

Ե. ԿԱՐԵՎՈՐԱԳՈՒՅՆ ԾԱՌԱՅՈՒԹՅՈՒՆՆԵՐԻՆ ԱՆԱՉԱՌ ՀԱՍԱՆԵԼԻՈՒԹՅՈՒՆ ԱՊԱՀՈՎՈՂ ՄԻՋՈՑԱՌՈՒՄՆԵՐ

- Անհրաժեշտ է առաջնահերթություն տալ ճամբարականների համար կարևորագույն ծառայություններին:
- Անհրաժեշտ է ձեռնարկել միջոցառումներ՝ տրամադրելու ծառայություններ այն ճամբարականների համար, որոնք ունեն շարժունակության սահմանափակումներ և/կամ հանրային տարածքներում գտնվում են բարձր վտանգի տակ:

Վերոհիշյալ միջոցառումներում չներառված ցանկացած լրացուցիչ միջոցառում պետք է նշվի առանձին էջերի վրա, որոնք բիզնեսի սեփականատերը պետք է կցի այս փաստաթղթին:

Այս արձանագրության մասին ցանկացած հարցի կամ մեկնաբանության համար կարող եք կապ հաստատել հետևյալ անձի հետ՝

Բիզնեսի կոնտակտային անձի անուն՝
Հեռախոսահամար՝
Վերջին վերանայման ամսաթիվ՝
